

ԳՐԻԳՈՐ ԿԱՐԱՔԱՆՅԱՆ

ԱՅՍ ՏՈՒՆ ՍԳՈ... ԽԱ/ԶԱՏՐՈ ՈՐ ՍՊԱՆԱԻ Ի/ ՎԵՐԱ ԶՐԻՍ ԶՐՎԵԺՈ
ԿԻՍԱԻՐԵԱ ԵԼԻ ԶԱՇԽԱՐՀԷ ԹՈՂԻ ԿՍԿ/ԻՍ ԾՆՈՂԱՅ ԻՄՈՑ ՈՐՔ
ԵՐԿՐՊԱԳԷՔ ՄՐ ՆՇԱՆՆԻՍ ԶԻՇԵԱԶԻՔ Ի ՏՐ/ ԹՎ:ՈՒՐ:(1173) ՎԱՐԴԻ:

¹ Մ. Սմբատյանց, Տեղադիր Գեղարքունի ծովափոր դավառի, Վաղարշապատ, 1895, էջ 257, Ս. Գ. Բարխուդարյան, Մեջնադարյան հայ աբրահամականների և բարդործ վարպետներ, Երևան, 1963, էջ 140:

րեն ձևավորված պատվանդանի վրա, կողք-կողքի զետեղված երկու խաչքարերից կանգուն է միայն մեկը: Մատուռի պատի մեջ, իբրև երեսասպառնող քար, դրվել են երկրորդ քանդակազարդ խաչքարի բեկորները: Արամուսի կանգուն խաչքարը կարմիր տուֆից է (նկ. 1): Բուն խաչքարի բարձրությունը 130 սմ է,



նկ. 1

լայնությունը՝ 38, իսկ ներքևում՝ 90 սմ: Պատվանդանը, որի վրա բարձրանում է խաչքարը, քառաստիճան է: Խաչքարի պատվանդանի երկարությունը 114 սմ է, արձանագիր աստիճանի բարձրությունը՝ 55 սմ: Խաչքարի պատվանդանին դեմ-հանդիման 182 սմ երկարություն, 78 սմ բարձրություն ունեցող երկթեք շիրմաքարն է, որը դրված է բարձիկի վրա: Գերեզմանաքարի հարավային լանջին փորագրված երկտող տապանագիրը հետևյալն է.

:ՈՄ:(1201) ԲՎ ՓՈՆԵՑԱԻ ԳՐԻԳՈՐ ՔԱ-
ՀԱՆԱ ԿԵՆԱՑ ԱՍՏ Ի ԿԵԱ / ՆՔՆ ՄԵՐ ՔՍ:

Չորս տարի անց, 1205 թ., Գրիգոր քահանայի հիշատակին կանգնեցվել է զեղաքանդակ խաչքար, որի հեղինակն է Վարդու Այս կոթողն աչքի է ընկնում բուսական և երկրաչափական պատկերների անթերի կատարումով, զարդաձևերի վարպետ համադրությամբ: Քանդակազարդող վարպետը խնամքով է մշակել խաչքարի մակերևույթը՝ նացուցադրել է այն բարձր ճաշակով պատկերազարդելու իր մեծ շնորհքն ու վարպետությունը, հորինվածքին հաղորդելով ամբողջականություն ու արտահայտչականություն: Մանրակրկիտությամբ են քանդակվել խաչքարի քիվը, լեզային մալապիկներն ու վահանը: Կոթողի քիվի մի մասը կոտրված է: Պահպանվածի վրա վերարտադրված են ճարտարապետական զարդամոտիվներ՝ գոգավոր դրված կիսաշրջաններ, ստորին մասի գոգավորության կենտրոնում հենված են կամարների շարքերը: Կառուցվածքային այս լուսնակով առաջացել են նշաձև զարդերի պատկերներ, որոնք հաճախ են հանդիպում V—VII դդ. ճարտարապետական հուշարձանների վրա: Քանդակագործն այս ստեղծագործության մեջ դրսևորել է հայ քարավեստի սկզբունքների իր խոր իմացությունը և մեծ վարպետությունը: Պատկերազարդ քարի կենտրոնում՝ խորանի տակ, խաչի ավանդակուն քանդակապատկերն է, որի ստորին թևից աղեղնաձև դեպի վեր են բարձրանում ժապավենաձև զարդապատկերներ: Ավելի ներքև տեղադրված է մի հյուսվածք, որն ասես վերևից ժապավենով է կախված: Խաչքարի ստորին մասում քանդակված է ավանդական վահանը: Ուշագրավ է կազմողի վարժ ու հմուտ ձևաբանությունը՝ քանդակված կիսաշրջանը, որն ասես այդ վահանի հատած մասն է: Երկու կողմերից խաչքարը երկված է այսօրինակ կոթողների վրա հաճախ հանդիպող, սակայն նրբերանգներով աչքի ընկնող հյուսվածքի զուրպարանդակի


շարքով: Այստեղ քանդակագործի գործադրած արտահայտչական միջոցների մեջ ավելի քան ակնբախ է դասական քանդակագործության դրոշմը: Քանդակի հյուսվածքը բաղկացած է ուղղահայաց իջնող օղերից, որոնք իրար են միացված հյուսկեն հանգույցներով: Օղերի մեջ այս շարքի հետ գեղեցիկ համադրությամբ հյուսվում է շեղանկյունանիստ շղթայի շարքը, որը երկու կողմից շրջափակում է խաչքարի զարդարուն մակերեսը: Խաչքանդակի վերին թևի երկու կողմերում խաղողազարդի ոճավորված պատկերներն են: Այս մոտիվը վերարտադրելիս քանդակազարդող վարպետն աշխատել է հարազատ մնալ ավանդականին: Արամուսի խաչքարի հարթաքանդակների մեջ առավել հետաքրքիրն ու ինքնատիպը կիսավահանի հարդարանքն է: Կիսավահանի սրտաքին կորագիծը կազմված է եռթևի պարանահյուսի զարդապատկերից: Կենտրոնական մասը կազմում է վարդյակի զարդաքանդակը: Քանդակագործն այստեղ ցուցադրել է իր կատարողական վարպետությունը. կարողացել է դգալ վարդյակի գծային ութմը և այն քանդակել արտակարգ նրբությամբ, բարձր արվեստով: Խաչքարի պատվանդանին գեղեցիկ տառերով փորագրված արձանագրությունն ազդարարում է 1205 թ. Մարտիրոս, Սարգիս քահանաների, սրանց եղբայրների՝ Հովհաննեսի և Մխիթարի կողմից իրենց հոր՝ Գրիգոր քահանայի, հիշատակին խաչքար կանգնեցնելու իրողությունը: Արձանագրությունն ավարտվում է օրհնանքի բանաձևով և խաչքարի կողքին՝ վարպետի անվան հիշատակությամբ (նկ. 2):

Ահա դրեթե անաղարտ պահպանված արձանագրությունը.

Ի ԲՎ : ՈՄԴ: (1205) ԵՍ ՄԱՐՏԻՐՈՍ ԵՒ ՍԱՐԳԻՍ Ք/ԱՀ/ԱՆԱՅՔ ԵՒ
ԵՂԲԱՐՔ ԻՄ ՅՈՎԱՆԷՍ ԵՒ ՄԽԻԹ/ԱՐ ԿԱՆԳՆԵՅԱՔ ԶԽԱԶՍ

Ի ԲԱՐԵԽԱԻՍՈՒԹԻ

ՀԱԻՐ ՄԵՐՈ ԳՐԻԳՈՐՈ ՔԱՀԱՆԱԻ ՈՐ ԿԱՐԴԱՅ/Ք ՅԻՇԵՍՋԻՔ Ի ՏՐ ԵՒ
ԱՄ ՅԻՇՈՂԱՅԴ ՈՂՈՐ/ՄԻ ԱՄԵՆ ՎԱՐԴ ԿԱԶՄՈՂ,



Նկ. 2

Քանդակազարդող վարպետի անվան հիշատակությունը, արձանագրության վերջին՝ վառդ կազմող տողը, զետեղված է խաչքարի հարավային կողմին:

խաչքարի արձանագրության տարեթիվը՝ 1205 թ., հնարավորություն է տալիս երեսուն տարով երկարացնելու քանդակագործի գործունեությունը: Ակնհերեաբար XIII դ. առաջին տասնամյակում է Վարգը ստեղծել նաև մյուս խաչքարը, որի պատվանդանն ու բեկորներն են միայն պահպանվել և թեև չունեն հեղինակի անվան հիշատակություն, ենթադրական չի մնում կոթողի հեղինակի ով լինելը: Երկու խաչքարերի վրա եղած դարդաձևերի ընդհանրությունը և ոճական առանձնահատկությունները հավաստում են միայն բեկորներով մեզ հասած ալգ խաչքարի՝ Վարդի ստեղծագործություն լինելը: Հարկ է նշել, որ Զրվեժի և Արամուսի կոթողները Վարդ կազմողի ստեղծած քանդակաչարի աննշան մասն են միայն: Տակավին անհայտ է մնում քարգործ վարպետի թողած ժառանգության մեծ մասը, արդասիքը նրա ամրող ստեղծագործական կյանքի: Զրվեժի և Արամուսի այս գործերով պարզվում է քանդակագործի միայն այժմ մեզ հայտնի առաջին և վերջին քանդակների միջև ընկած ժամանակահատվածը (1173—1205 թթ.), նրա ապրած, ստեղծագործած վայրը՝ Կոտեից գավառը: Սակայն չի բացառվում նրա ստեղծագործությունների առկայությունը պատմական Հայաստանի այլ գավառներում: Կասկածից վեր է, որ հայտնի կղանան Վարդի նոր քարե «կտավները», որոնք հնարավորություն կտան ամրողացնելու նրա ստեղծագործության պատկերը:

СКУЛЬПТОР АРАМУССКОГО ХАЧКАРА

ГРИГОР КАРАХАНИЯН

Резюме

Надпись новонайденного хачкара в с. Арамус гавара Котайк (совр. Абовянский район) гласит о воздвижении этого мемориального памятника в 1205 г. На южной грани хачкара высечено имя мастера-скульптора, создавшего хачкар. Автор хачкара—известный скульптор конца XII-начала XIII вв. Вард, произведения которого имеются и в селе Джржеж (1173 г.). Вероятно, этим замечательным скульптором было создано немало хачкаров, выявление и изучение которых представляет большой интерес.